

**IOANNIS  
BAPTISTAE  
FIDELISSIMI  
PISTORIENSIS  
PASTORALE...**

---

Giovanni Battista Fedelissimi





1023.48



IOANNIS BAPTISTAE  
FIDELISSIMI  
PISTORIENSIS  
PASTORALE CARMEN.

*In quo sub nomine Brana Civitas Pistoriensis  
latatur.*

FVLVIVM Passerinum sibi contigisse  
Pastorem.

*Perillustri, ac Reuerendissimo D. THOMAE Vanninio  
Pistoriensi Auellini Episcopo.*



FLORENTIAE,  
Apud Michaelmangelum Sermartellium. B.F.  
*Cum licentia Superiorum 1599.*

IOANNIS BAPTISTAE

FIDELISSIMI

PASTORIS

PASTORALE CARMEN

In quodam nomine huiusmodi  
latine.

Exemplum Testamenti  
Pastoris.

Testamentum, ac Testamentum  
Pastoris, et Testamentum.

1028.23



FORNICE


Apud Michaelmannum Secretarium  
Cuiusmodi huiusmodi



# PERILLVSTRI AC REVERENDISS

D. THOMAE VANNINIO  
PISTORIENSI.

*Joannes Bapt. Fidelissimus.*



POLLINEM, & Medicinæ, & Poësis auctorem fuisse, tum græcè, tum latinæ testantur pagine. Sic enim legimus ab eo quod ἀπαλλάττα dictum esse Apollinem, *μνηστέρων* autem quasi ducem, & Musarum Principem. Vnde Virgilius ita ludit.

*Mentis Apollineæ vis has mouet undiq; Musas,  
In medio residens, complectitur omnia Phæbus.*  
Ac de eo quoque Ouidius.

*Inuentum Medicina meum est.*

Ea propter nemini mirum videri debet, si ipse, qui Medicinam profiteor, quandoque simul carmina cōdens Musarum latibula ingredior. Quod



si vera fateri debeo ( Amplissime Antistes ) iam  
plures aguntur anni , ex quibus propter assiduas  
in visendis ægris occupationes, ne minimum qui-  
dem ocii Medicina mihi reliquit. Cum autem in  
hoc Amplissimi FVLVII Passerini Episcopi so-  
lemni in hanc urbem ingressu id forte mihi mo-  
dò contigerit ( faxit Deus, vt hæc Ciuitas, optima  
semper sanitate perfruatur ) pauca hæc, quamuis  
impolita carmina gratitudinis ergo breuiter exa-  
rata, Amplissimo nomini tuo, deuoto animo di-  
care decreui; Quandoquidem cum Episcopatus  
tibi munus demandatum fuerit, quod tanto viro  
commissum erat, & simul hæc à Medicinæ profes-  
sore prodeant, nemini aptius, quàm Amplitudini  
tuæ dicari poterant, quæ iam elapsis annis Romæ  
Medicinam, non sine omnium admiratione pro-  
fessa est. Hoc igitur munus qualecunque fuerit,  
non vt ab exercitato Poeta, sed à Medico hilari  
fronte suscipias, & me, Patremquæ meum Ghe-  
rardum, etiã Medicinæ professorem, tui nominis  
obseruatissimum, mutua dilectione prosequere.  
Vale Pistorii. viii. Cal. Iulii. MDXCVIII.



IOANNISBAPTISTAE


FIDELISSIMI

BRANA

SVB NOMINE CIVITATIS

PISTORIENSIS,

Quæ FVLVIVM Passerinum sibi contigisse  
Pastorem letatur.



ISTORIENSIS agricolariſſi-  
ma Nympha Diana

BRANA, inter Tufcas non afper-  
nanda puellas,

Quam formoſa colit, celeberrima Flora, Paterq;

Arnus iam pridem grato dignatur amore,

Promiſſum longo dilectum tempore Daphnim

Expectans, querulo mulcebat ſingula cantu.

Hic ille eſt Daphnis virtute, ac ſanguine clarus

Quem docuit Phæbus modulari carmen auena,

Hic ille eſt Daphnis gratus Paſtoribus, atque

Nymphis; Hic ille eſt Brana quem inuenerat Arnus,

Et quem præclarum titulis ſuper æthera ſummis



Duxerat. Hic ille est Daphnis, quo doctior alter  
Non fuit; Hunc ergo cupiens pulcherrima Brana,  
Cuius amor diris urebat pectora flammis,  
Cunctantem nimium, noctesq, diesq, morantem  
Flebat, & ambrosio tandem sic ore locuta est.

O vos felices, vos terq, quaterq, beata  
Tirrhena Nympha; Postquam gratissima semper  
Lumina Pastorum, & vultus quoq, cernere fas est,  
Nec non optatas audire, & reddere voces;  
O quoties vario cum fulgent prata colore,  
Ac nemus omne viret, patula sub tegmine quercus  
Vos iuuat intonsas cythiso saturare capellas,  
Et dulci modulo molles inflare cicutas?  
O quoties iuuat immensas celebrare Deorum  
Laudes, ac vestras extollere ad aethera mentes,  
Et dum diuini gustatis semina verbi,  
Et dum caelestes hauritis pectore rores?  
O quoties iuuat aeterni admirarier alta  
Tecta Iouis, Solisq, vias, Lunaeq, labores,  
Ingentemq, globum terra, infernosq, recessus,  
Ac hominum mores, & rerum noscere causas?  
O quoties memini cum Syrius ureret agros,  
Ac simul argutis canerent arbuta cicadis,  
Per nemora, & silvas cursu, iaculisq, fugaces  
Me acquisisse feras, & multo saepe labore  
Lustrauisse vagos passim per flumina pisces?

Dum



Dum viridē pecudes pascebant littore gramen?  
 At modò per valles, perq̃ abditā lūstra ferarum  
 Sola vagor, mæstos ducens, è pectore fletus,  
 Mille trahens diros ex imo corde dolores;  
 Daphnim sæpè voco, resonant ad sidera Daphnim  
 Et Silvæ, montesq̃ simul, Vallesq̃ profunda,  
 Figo oculos, & cuncta notans, & singula circum  
 Spectans; nec præest ideo sua dulcis imago;  
 Sic fleo, sic fletu crescunt, lacrimisq̃ fluentia,  
 Sic rursus clamant, clamāt mea carmina Daphnim  
 Adsis, ò tandem nimis expectate, meosq̃  
 Accipias gemitus, & flecti siste precando,  
 Daphne noster amor, nostrum decus, atq̃ voluptas  
 Te Nymphæ, te rura vocant, pauidæq̃ capellæ,  
 Te sine rura gemunt, Nymphæ pauidæq̃ capellæ,  
 Te sine Brana nequit tantum lenire dolorem,  
 Heu misera mihi, quis nunc Pastor retia damis  
 Tendit? Quis nūc terret apros? Quis flumine mergēs  
 Infirmas nunc curat oves? Qui signa procellæ  
 Demonstrat Daphnis? Pecudes ad pascua ducit  
 Quis Pastor? Misera heu mihi, sic nā perdita semper  
 Sic sine te viuam? heu misera quis talia fando.  
 Contineat lacrimas, & lucti sonos singultus?  
 Credite Pastores, Pastores credite mors est,  
 Ducere felices pulcro sine Daphnide noctes,  
 Sic ait illacrimans, pallentia lumina voluens  
 Hor-



Horruit, & miseram statim vox agra reliquit,  
Sternitur, inq, humeros cervix collapsa recumbit,  
Qualis ubi viola effuso cum forte grauat  
Imbre comas; turbata cadit, succisaue aratro  
Languescit moriens, Phœbi siccata calore;  
At procul inde Arnus, Branam miseratus ab alueo  
Extollens caput, inter se se attollere frondes  
Cœpit, cui crines umbrosa tegebat arundo;  
Tum sic affari, & curas his demere dictis.  
Quid, Quid Brana iaces? Cur sic es decolor ore?  
Quid, Quid Brana doles? tantæ quæ causa querelæ?  
Quis tua tam dirus compleuit pectora languor?  
Heu quam te Brana aspicio? Tuane illa sereno  
Sole magis fulgens facies præclara? Tui ne  
Illi oculi? Vnde hæc est fera sic exorta repente  
Tempestas? Quid Brana siles? Quid mēte reuoluīs?  
Ille ego sum Rector fluviorum nobilis Arnus,  
Qui quæ tuas nostro complector flumine Lymphas,  
Cur sic ergo siles? Tanti quæ causa doloris?  
An tuus ille nitens non dum has conuenit ad oras  
Dilectus Daphnis? Quid spectas Brana? Quid au-  
Ah tuus ille nitens nondū has conuenit ad oras (des?  
Dilectus Daphnis, Daphnis dulcissima Brana  
Spe q, salusq, mea. Quid cernis Brana? quid audes?  
Surge, age, fare precor, tristes dimitte querelas  
Sume



5  
Sume animos, viresq; simul, properavit ad istas  
Namq; oras tandem Pastor, vultuq; benignus,  
Et quoq; mente pius, semper mansurus ad undas  
Brana tuas, longo hic tecum gaudebit amore,  
Hic miseras morbo pecudes curabit acuto,  
Hic te ventorum, tempestatisq; futura  
Signa docebit dians, hic iustus templa Deorum  
Aeternum colet, ac indutus veste, sacratos  
Usque dies festos celebrabit, vota, precesq;  
Offeret, ac pecudum intentus pro sæpè salute  
Plurima placatis dicabit munera Divis.  
Hunc igitur pridem speratum amplectere Daphnim  
Hic tibi sit Pastor, tanto committe capellas  
Pastori, & vitam, & mores venerare probatos;  
Sic Diana tuis gaudebit candida votis,  
Altitonansq; Deus celsò te cernet olympo;  
His dictis vires reuocavit Brana relictas,  
Mæstaq; turbato, euertit suspiria corde,  
Ac tam præclarum cupiens iam cernere Daphnim,  
Accurrit properans, sequitur Pater Arnus, cumq;  
Præmonstrat, sequitur Pastorum maximus ordo,  
Nympharumq; cohors; sic felix Brana capitum  
Excipiens Daphnim, Daphnim laudare decorum,  
Haud sinit, ac Arno supremas reddere grates.  
At postquam mille amplexus, ac oscula mille  
Impressit fronti; Nymphis comitantibus inquit,  
Venisti



*Venisti ò tandem nostri spes unica Daphnis  
Ingredere hunc thalamum latus, sacrosq; hymenaios  
(antemus, nostris succede penatibus hospes.  
Daphnis; at illius dextram complexus inhaesit,  
Ac hilarem propius Branam sectatur euntem.  
Sic felix Pastor, sic felix Brana, sacratos,  
Incipiunt ludos, precibus Diuosq; precantes  
Deniq; concordēs composita fœdera iungunt.*

*Vos igitur tanto late pastore capelle,  
Viuite felices, felices Nestoris annos  
Viuite, tuq; simul pulcherrima Nympha Diana  
Brana, inter Tuscas non aspernanda puellas  
Viue diu felix, cali fulgentior astris..*

*F I N I S.*



**IN**



IN DAPHNIM D. IOANNIS  
BAPTISTAE FIDELISSIMI.

Raphael Cancellarius I. C. Pist.



**H**OECVNDAS fido celebras dum pe-  
ctine Daphnim,  
Depascet studio saepe laboris oues.  
Me sua deterret facta immortalia plectro  
Ferre tua Aonia sunt ea digna fide.  
Nempe ille est Daphnis, noctis caligine mersis  
Peruigilans, rebus lumina clara gerens,  
Lux tandem optata aduenit, lux aurea celo  
Auspiciis sacri numinis ecce nitens.  
Om nis grata venit nobis fiducia secum,  
Et priscus templis redditur omnis honos.  
Iam venia errandi est agnis in vallibus arcta  
Et rerum facies iam noua versa viget.  
Laudis amor rediit, rediit memorandaq; virtus,  
Et subeunt mentes gaudia lata virum.













